



Aningaasaqarnermut Nunanilu Avannarlernui Suleqatigiinnermut Naalackersuisoq

Ulloq: 19. december 2019
J.nr.: 01.31.06/19-00862

Aningaasaqarnermut Akileraartarnermullu Ataatsimiititaliap pingasunngornermi ulloq 18. december 2019-imi aalajangiineranik Naalackersuisunut ilisimatitsineq.

Meeqqanut tarnimikkut nappaatilinnut ulloq unnuarlu paaqqinnittarfiup aammalu meeqqanut inuusuttunullu annertuumik innarluutilinnut paaqqinnittarfiup pilersaarusiornissaannut kontumi pingaarnermi, 83.30.13 Nuna tamakkerlugu paaqqinnittarfiit, missingersuutitut sunniuteqanngitsumik nuussineq – Suliaq nr. 01.31.06/19 – 00862.

“Naalackersuisut inassutigaat:

- kontumi pingaarnermi, 83.30.13 Nuna tamakkerlugu paaqqinnittarfiit, suliassami nr., 060.40.079 Paaqqinnittarfik isumannaallisagaq, aningaasaliissutit 6,0 mio. kr.-nik ikilisinneqassasut suliassarlu nutaaq nr., 060.40.086 Meeqqanut tarnimikkut nappaatilinnut ulloq unnuarlu paaqqinniffik, 6,0 mio. kr.-nik aningaasartalerlugu pilersinneqassasoq, aamma
- kontumi pingaarnermi, 83.30.13 Nuna tamakkerlugu paaqqinnittarfiit, suliassaq nr., 060.40.062 Misissuiffiusut, 6,0 mio. kr.-nik aningaasartalerlugu pilersinneqassasoq suliassarlu nutaaq nr., 080.40.087 Meeqqanut inersimasunullu annertuumik innarluutilinnut paaqqinnittarfik, 6,0 mio. kr.-nik aningaasartalerlugu pilersinneqassasoq.”

Aningaasaqarnermut Akileraartarnermullu Ataatsimiititaliap oqaaseqaatai apequtaalu:

Aningaasaqarnermut Akileraartarnermullu Ataatsimiititaliap paasinninnera malillugu Qaqortumi paaqqinnittarfiup atorunnaarsinneqarnissaa, inisimasulluunniit Sisimiunut nuutsinneqarnissaat siunertarineqarpoq.

Soqutiginnittut kikkut suliami matumani akuutinneqarsimasut nassuiaatigeqqullugu Naalackersuisut ataatsimiititaliamit qinnuigineqarput, tassani aamma paaqqinnittarfimmi atuisunut ilaqutaasut, sulisut, kommunit allalluunniit akuutinneqarsimanersut ilisimatinneqarsimanersulluunniit paasissutissiissutigalugu.

Qaqortumi paaqqinnittarfimmi inisimasut ilaat inuunertik tamaat tassani najugaqarsimapput. Nuutsitaanerup taakkununga sunniutissaa Naalackersuisunit isumaliutigineqarsimava?

Nuutsinneqarnissamik itigartitsineq atuisunut (taakkuluunniit angajoqqaavinut angajoqqaatulluunniit akisussaasuvinut) periarfissaava? – taamaappat tamanna qanoq kinguneqarumaarpa?

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat pillugu
isummernissaminik Aningaasaqarnermut Akileraartarnermullu Ataatsimiititaliaq
kinguartitsivoq.

Inussiarnersumik



Hermann Berthelsen

Aningaasaqarnermut Akileraartarnermullu Ataatsimiititaliap Siulittaasua